

卷三



書名 宗子相集十四卷 嘉靖三十九年序刊本
 撰者 明 宗臣 撰
 卷 卷三
 內容分類 集- 別集- 明中葉
 索書號 集部- 別集- 7- 104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉

商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

彼秋風兮遠以枯俾其根日蕭索而不可起兮何以慰此心之踟躕

宗子相集古樂府卷之三

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵

同校刊

雉子斑

雉子斑斑乃游水湍朝游水北暮游水南
五色其羽文何翩翩嗟彼王孫來游江干
須臾盼之忽焉見殘雉子向言有鳥在天
爾胡我殘有鴻在沼爾胡我殃嗟雉子爾
無言爾懼我殘爾懼我殃誰令爾斑



戰戰南

戰城南望城北城北陣雲紅城南陣雲黑
生當封侯死當廟食一戰天門青再戰天
門赤揮金戈擁雕戟馬走韁人失魄百萬
熊羆一時仆歸來麟閣名觀者坐太息戰
城南望城北

君馬黃

君馬黃臣馬青二馬並進臣馬停臣馬停
君馬行飛塵走電過龍庭一鞭胡騎驚再

鞭胡塵平錦泥玉障垂勳名吁嗟乎荆棘
滿山山路黑君王未可馳八極

巫山高

巫山高上摩千層之青天下渺萬丈巫峽
之重淵雲胡為哉生其巔朝飛去暮來旋
登山步雲令人神飛白日可摩玄龍可騎
下視浮世千萬里蒼茫浩蕩空煙水

上陵

上陵何所見但見栢與松栢枝一何盛松

古樂府
枝一何青白楊在其上秋風蕭蕭鳴金為
闕玉為盈石為馬銅為龍重泉一以閉萬
古不可磷悟彼泉下仙喟然動中情今日
樂且樂延年萬壽春

有所思

有所思乃在大海南海路一何長海水一
何寒迢迢千萬里上有蓬萊山山中有真
人顏色如渥丹青霞為君衣紫霞為君餐
桂枝夾道旁上長青琅玕群仙三五人游

戲青雲端赤螭為前驅蒼龍護其關月下
散瑤步玉聲何珊珊我欲往從之道路阻
且難中心悵有違慷慨起長嘆

丹鷺

丹鷺丹鷺不在天不在渚飛君堂為君鼓
倡君歌起君舞玉戟升朱矛舉燕明堂耀
神兵享有道征不庭棲鳳羽布龍城一人
慶四海寧

臨高臺

臨高臺高臺何崔嵬南望羅浮東望蓬萊
恒岳與泰華颯颯雄風來一顧青雲飛再
顧白日摧三顧天門忽以開仙人三五輩
冉冉霓宮迴仙人向我言君胡來君胡來

聖人出

聖人出應昌期龍來游鳳來儀天地並日
月齊統六合化九夷產朱草芬玄芝延年
壽萬歲期寄謝許由與巢父及今不出待
何時

思悲翁

思悲翁悲何極朝相思暮相憶今者華昔
者黑白日難東黃河難北思悲翁悲何極

長歌行二首

秋風蕭索百艸斑黃沙飄颻青海灣良人
昔從征西班一去十載不知還驚飈傳檄
雲霄間胡塵渺浩難重攀昨日寄我雙玉
環萬里相將道路艱我欲為君整雙鬟空
閨顛頽摧朱顏心如車輪不暫閑不覺涕

淚衣編爛征人一歸故山爾獨何辜阻
玉關

其二

秋山搖落秋夜長皋蘭寂寞被凝霜中夜
起視明月光蟋蟀蟋蟀鳴我房良人遠遊
在他方道路一望阻且長聞君有期歸故
鄉為君旭日修新粧鏘鏘珮環曳鳴璫盈
盈移步來中堂望君不見心彷徨不覺淚
下濡衣裳忽見雲間雙鳳凰長天萬里同

飛翔安得羽翼同頡頏延頸悲鳴到君傍

艾如張

艾如張張而羅羅在山鳥則罹之羅在地
鴻則罹之翩翩者鳳萬里一去千年來過
艾如張張而羅奈此鳳者何

上之回

上之回駕雲車格皇心隆帝圖上之回來
甘泉仁聖德萬邦傳上之回臨三關走九
夷服八蠻上之回歸明光千萬年樂無疆

出塞曲

壯士懷慷慨高義貫長虹甘心報國讐自
矢忘厥躬遠望邊塵起萬里揚悲風拔劍
出門去驅馳遠從戎昔為千人英今為萬
夫雄單于來接戰殺氣衝蒼穹黃塵不可
見白日忽以蒙一戰鴈塞清再戰龍庭空
歸來報天子獻捷甘泉宮

長相思

涼颿起高閣凝露被華滋庭前有玉樹冉

冉寒風吹搖落愴中懷芬芳難獨持嗟彼
陰陽速嘆此顏英衰攬衣起太息惆悵令
心悲君心妾不見妾心君詎知尺書不我
將何以慰別離俯仰清川流仰視白日馳
願隨白日景照君見光儀

孤鳳篇

紫庭有丹鳳羽翮何翩翩朝游華山雲暮
宿蒼梧煙一朝失其凰嗟哉相棄捐彷徨
四海求何當待來旋采采琅玕實顧影徒

遷延豈無鴻鵠群而非情所憐悲鳴入赤
霄翱翔不計年千載覽德輝來儀聖明前

鳳笙曲

翠管參差明月弄高臺忽起雙飛鳳彩雲
縹緲華山洞華山洞華山磯朝同出暮同
歸

江南曲

碧草萋萋籠紫煙蘭橈桂楫清江邊吳歌
越吹太可憐太可憐復可妬飄深紅曳輕

素

龍笛曲

高樓縹緲流玉音梅花零落寒江深江中
隱隱雙龍吟雙龍吟吟未已朝霞紅暮霞
紫

採蓮曲

紅粧翠袖歌採蓮三三兩兩鬪嬋娟欲行
不行落金鈿落金鈿垂玉指發青蘋照綠
水

採菱曲

湖上菱花落復開
蘭舟桂楫去復來
妖童艷女行相催
行相催不可住
羅衣寒碧水綠

遊女曲

翠鬟玉佩遊春風
百花拂袖來湖東
朱顏灼灼驚飛鴻
驚飛鴻耀明月人
不見心如結

朝雲曲

朱雲縹緲來神霄
人間天下俱迢遙
欲來不來巫山高
巫山高高無極夢
相見重相憶

趙瑟曲

邯鄲美女顏似玉
翠袖朱絃理新曲
寒月泠泠江水綠
江水綠江雲停誰
為此湘妃靈

秦箏曲

翩翩羅襪明珠光
抱得秦聲上高堂
調絃

促柱移清商移清商翻翠袖
滿滿斟曲曲奏

陽春曲

春華燦灼春月明朱唇玉頰揚
哀聲淒淒切切動君情
動君情得君悅流青雲飛白雪

自君之出矣二首

自君之出矣消息阻風煙
桂嶺花頻落榆

關月自圓

其二

自君之出矣幾度寄春衣
春色年年老良人歸不歸

江南曲四首

瑟瑟江上風密密山前雨
風雨莫少停留得郎君住

其二

春江君自去春閨儂自愁
儂心似江水日夜伴郎舟

其三

綠窗春鳥聲思君淚如雨人來淚不收却
道思家苦

其四

歡比堤上絮如泥亦如雪儂比鏡中花可
見不可折

寄衣曲

征人夜度遼寒衣今去洛妾恐如寒衣春
來不堪着

採蓮曲

蓮花比妾貌妾貌花不如蓮子比妾心妾
心應更苦

相逢行

昔與女相逢今與女相別相逢萬山雲相
別千山雪

清夜曲

明月期古人相對坐清夜濯纓綠水前散
髮青松下

梅雪曲

山上雪如梅山下梅如雪寂寞對空山幽
香共誰折

月下曲

月下吹紫簫雲間整玉珮顧見鴛鴦鳥一
一自成對

水中月四首

嫦娥三五月玉露千萬秋久居天上苦暫
向水中遊

其二

嬈嬈青山雲湛湛清江水中天落玉鈎魚
龍驚不止

其三

雲歛波還淨雲開影自隨綠萍與青荇相
傍桂花枝

其四

南山亦有羅北山亦有羅玉兔滄波裏羅
兮奈爾何

採蓮曲

採蓮莫採蒂蓮蒂絲難吐採蓮莫採子蓮
子心中苦

江上曲

青波遠泛舟碧石朝逢雨不見江上人惟
見江上樹

長相思

昔與女相思今與女相見相見已秋鴻相
思又春燕

江南弄

簾櫳上夜珠闌干倚寒玉客子在天涯相
思春草綠

江南曲

客去悲江左書來滯隴西相思若春草無
路不萋萋

春閨曲

華枕為誰施華衾為誰卷妾腸非道路日
夜車輪轉

楚陽曲三首

官府一開倉含情向兒女公者猶可遲私者不可已

其二

東村有客到相留問烹雞婦言且莫烹租吏到河西

其三

昨者娶新婦布裙止兩褶租吏呼典衣婦在窗前泣

賣花曲

長安買花者數株千萬錢道傍有饑者一錢不相捐

子夜吳歌

于鱗上計上都予以職事直省中凡再易朔不得通一語輒為之賦時命侍之歌之以通其悵恨焉

出門望所歡零雪忽盈尺豈曰沾吾衣畏此雪上跡一解與君生別離三年參與商

誰謂三年久不如茲夜長二解夜半倚梧
桐明月何歷歷梧子在其上可見不可摘
三解芳草五驛騶熠熠朝元者不分黃金
鞭出入依君馬四解自幼能採蓮蘭楫蕩
前渚如何蓮子心于今更覺苦五解聞君
有瑤琴來自崑崙域雖未聽其聲時時白
雲色六解玉樹抽新條炎炎因赤土日望
天上雲不得階前雨七解自與君相別剪
刀日夜利君有雲錦衾吾當為君製八解

手中珊瑚枝光華掩白日恐君一見之疑
作君家物九解





所圖書